

29-3-41

কালী ফিল্মসেব



MINTOO

বাংলার মেয়ে



কাহিনী

শ্রীমতী প্রভাবতী দেবী সরস্বতী

পরিচালক

নরেশ মিত্র

স্বরশিল্পী : অমর বসু (এঃ)

কালী ফিল্মসের নূতনতম চিত্রনিবেদন

বাঙালোর ঝেঁঝে



চরিত্র

উপেন বন্দ্যোঃ
তিনকড়ি চক্রবর্তী

—
জিতেন ব্যানার্জী
নরেশ মিত্র

—
সত্যেন
ধীরাজ ভট্টাচার্য্য

—
মিঃ চ্যাটার্জী
সন্তোষ সিংহ

—
স্ববিনয়
অমর বসু (এঃ)

—
সুরেশ
কৃষ্ণধন মুখার্জী

—
মিঃ চৌধুরী
ছবি বিশ্বাস

—
চাষী
তারক বাগ্‌চী

সরলা ... রাজলক্ষ্মী
মিসেস্ ব্যানার্জী ...
মিসেস্ ইন্দিরা রায়
দেবী ... পদ্মা দেবী
ইলা ... শীলা হালদার
বীথি ... সঞ্জয়ারাণী
ভবানী ... উবা দেবী
শান্তি ... ছায়া (ছোট)
সুরেশের মা ... উষাবতী
শ্রীমতী মনোরমা,
মিসেস্‌রনা ব্যানার্জী
এবং আরও অনেকে

আলোক-চিত্র-শিল্পী :

সুরেশ দাশ

সহকারী :

সুধীর বসু

সত্যেন চন্দ

সুনীল রায়

শঙ্করহরী :

সমর বসু

সহকারী :

পরিতোষ বসু

সম্পাদনা :

বৈষ্ণবনাথ বন্দ্যোপাধ্যায়

সহকারী :

সন্তোষ ভৌমিক

বৈজ্ঞানিক ব্যবস্থাপক :

সুরেন্দ্র চট্টোপাধ্যায়

শিল্প-ব্যবস্থাপক :

বি, মজুমদার

সহকারী : গোপী সেন


স্থির চিত্রশিল্পী :

বিশ্বনাথ ধর

মুদ্রাপরিষ্কারনা :

তারক বাগ্‌চী





কাহিনী

••

বৃদ্ধ বয়সে উপেন্দ্রনাথ বন্দ্যোপাধ্যায় গভীর একটি মনস্তাপ পেয়েছিলেন। তাঁর জ্যেষ্ঠ পুত্র জিতেন্দ্র তাঁর অমতে বিলাত গিয়ে ব্যারিষ্টারী পাশ করে' আসে এবং একটি আধুনিক কেতাছরত ঘরের অতিরিক্ত সাহেবিয়ানায় অভ্যস্ত বিলাসিনী মেয়ে শ্রীমতী মায়াকে পত্নী রূপে গ্রহণ করতে বাধ্য হয়। “বাধ্য হয়” কথাটির তাৎপর্য আর একটু পরিকার করে' এখানে বলা প্রয়োজন।

জিতেনের ছিল প্রচণ্ড উচ্চাভিলাষ। উপেন্দ্র ছিলেন দরিদ্র নিষ্ঠাবান পুজারী ব্রাহ্মণ। জীবনে যতটুকু প্রয়োজন, তার বেশী আকাঙ্ক্ষা নিয়ে তিনি জন্মগ্রহণ করেন নি। গ্রামের কুঁড়ে ঘর, শীর্গা নদী, গাছ-পালা, পুকুর,—সরল অনভিজ্ঞ মাল্লবের প্রকৃতি ও সমাজের মাঝখানে কলরবহীন জীবন-যাপনের চেয়ে বেশী কিছু কাম্য তাঁর ছিল না। বশ আর ঐশ্বর্যের মোহ কোনদিন তাঁকে গ্রামের সরল জীবন, উদার নীলাকাশ, পল্লব-ছায়াঘন প্রান্তরের বাইরে হাতছানি দিয়ে ডেকে নিয়ে যেতে পারে নি। কিন্তু আধুনিক শিক্ষা ও সভ্যতা জিতেনের মনে প্রলোভন জাগিয়েছিল, আপনাকে বিপুল মহিমায় আচ্ছন্ন করবার, নেশা ধরিয়েছিল রূপের আর রূপার।


যে সময় জিতেনের তরুণ মনে এই স্বপ্নের বোর সৃষ্টি হয়েছিল সে সময় স্ববিনয় অর্থাৎ জিতেনের শ্বশুর প্রচণ্ড নিষ্ঠার সঙ্গে সাহেবিয়ানায় নেতেছিলেন। একমাত্র কছা মায়ার সঙ্গে জিতেনের বিবাহ দিয়ে স্ববিনয়, কছা-জামাতাকে বিলাত বাওয়ার রসদ জোগাতে কার্পণ্য করেন নি। সস্ত্রীক বিলাত গিয়ে নিজের উচ্চাকাঙ্ক্ষা চরিতার্থ করবার ছদ্ম বাসনার সামনে এই স্ববোগ অবহেলা করার কোন যুক্তি পিতার অসম্মতির বিরুদ্ধে টিকতে পারে না।

উপেন্দ্র ছিলেন একরোখা মাছুষ। মেহের চেয়ে তাঁর কাছে সংস্কার ছিল বড়, আদর্শ ছিল অনেক ওপরে। স্তত্রাং জিতেন তাঁর অমত অগ্রাহ করে' সস্ত্রীক বিলাত গেল বটে কিন্তু ফুল উপেন্দ্রনাথ পুত্র বলে' তাকে ক্ষমা করলেন না! জিতেনের নিকট হ'তে তাঁর কাছে পর পর তিনখানি পত্র এল। ছুখানি পত্রের কোন উত্তর গেল না, এবং তৃতীয় পত্রের উত্তরে তিনি শুধু সংক্ষেপে জানালেন, “তুমি আমার ত্যাজ্য পুত্র। কখনো এ ভিটের তুমি এসো না—আমায় তোমার মুখ দেখিয়ে না।”

সেই হ'তে নিদারুণ অভিমানে জিতেন আর কোনদিন নিজের গ্রামে ফিরে যায় নি, ফিরে যেতে পায় নি পিতার মেহের আশ্রয়ে। তারপর কয়েকটি বৎসর অতীত হয়ে গেছে। বশ, অর্থ, সম্মান জিতেন সব কিছু অর্জন করেছেন। তাঁর দুই কছা বীথি আর গীতি এবং আধুনিক ফাসানের শ্রোত-অল্পবর্তিনী স্ত্রী মায়াকে নিয়ে তাঁর জীবনের অনেকগুলি দিন কেটে গেল। আজ মাঝে মাঝে তাঁর কথাবার্তায়, ভাবে ভঙ্গীতে যেন তাঁর মনে একটি পুঞ্জীভূত ক্ষোভ কোথায় সঞ্চিত হয়ে আছে বলে' মনে হয়। আধুনিক জীবনের বিকৃতি ও কৃত্রিমতা যেন তাঁকে বিষণ্ণ বিরক্ত ও পরিশ্রান্ত করে' তোলে। কিন্তু আজ আর কোন উপায় নেই; বহুদিন পূর্বের জ্বল দিনের পর দিন জীবনের চারিদিকে আরও সর্বনাশের মোহ সৃষ্টি করেছে।


জিতেন্দ্র এই কাহিনীর নায়ক নয়—এই কাহিনীর নায়ক হ'ল তার কনিষ্ঠ ভ্রাতা





সত্যেন্দ্র। তা সত্ত্বেও জিতেন সহম্মে সর্বাগ্রে এতখানি আলোচনা করবার প্রয়োজন ছিল এই যে, সত্যেন তার দাদারই জীবনের ভুল আর অশান্তিকে 'অমুসরণ করে', দেবীর মত একটি মেয়ের জীবন ব্যর্থ করে' দিয়েছিল। তাকে অবলম্বন করে' যে সংসার ধীরে ধীরে জিতেনের অভাব বিম্বৃত হতে চলেছিল, সেই সংসারকে ভেঙে দিয়ে সরে' আসবার নিষ্ঠুরতায় সত্যেনের অপরাধ হয়ে উঠেছিল গুরুতর। দাদা ছিল তার আদর্শ কিন্তু তার লোভ আর দুর্ভলতা তাকে দাদার চেয়ে গভীরতর মর্শ্ব-বেদনা সৃষ্টি করবার কলঙ্কে নিমজ্জিত করে' দিয়েছিল।

পূর্বেই বলেছি উপেন্দ্রনাথের অবস্থা স্বচ্ছল ছিল না। স্বতরাং সত্যেন্দ্রকে এম-এ অবধি পড়াবার খরচ তিনি জোগাতে পারেন নি। কিন্তু সত্যেন্দ্র একদিন এম-এ পরীক্ষায় উত্তীর্ণ হ'ল—শুধু পাশ করল না ফাষ্ট ক্লাস ফাষ্ট হয়ে পাশ করল। সত্যেনের উপর উপেন্দ্রনাথের অনেক ভরসা—তঁার জ্যেষ্ঠ পুত্রের মত উচ্চাভিলাষের তাড়নায় কোন ধনবান শ্বশুরের কছাকে বিবাহ করে' বিলাত-যাত্রার সংস্থান অথবা সহরের সমারোহের মাঝখানে বসবাস করবার স্বচ্ছলতা সংগ্রহ করবার পথ রোধ করবার উপায়স্বরূপ তিনি সত্যেনের বিবাহ দিয়েছিলেন নিজের পছন্দমত একটি পাত্তীর সঙ্গে। মেয়েটির নাম দেবী। সরলা, অশিক্ষিতা গ্রাম্য মেয়ে। কাজে কর্মে অত্যন্ত পটু, লজ্জাশীলা। শ্বশুরের ভিটার উপর যারা চিরদিন প্রদীপ জ্বলে এসেছে, তুলসীতলায় সকাল সন্ধ্যায় প্রতিদিন যারা প্রণাম জানাতে ভোলেনি, স্বামীকে যারা অন্তরের একমাত্র দেবতা বলে' জানে, তাদেরই দলের একটি মহনশীলা কোমলমনা মেয়ে। মেয়েটির নাম দেবী—তার নাম তার চরিত্রকে পরিহাস করেনি, বরং তাকে গৌরবান্বিতা করেছে।



এই দেবী মেয়েটিই পরম আগ্রহে তার অন্ধ থেকে অলঙ্কার খুলে দিয়েছে তার স্বামীর পড়বার খরচ জোগাতে। 'স্বীর অলঙ্কার বিক্রয় করে' বিতা-চর্চা করতে সত্যেন কুণ্ঠা বোধ করেছিল সত্য কিন্তু সাধারণের ওপরে নিজের প্রতিষ্ঠা অর্জন করবার দুর্দমনীয়তার কাছে আর কোন যুক্তি, কুণ্ঠা বা ঘটনাকে সে স্বীকার করতে প্রস্তুত ছিল না। যেদিন তার এম, এ-তে ফাষ্ট হওয়ার সংবাদ প্রকাশিত হ'ল সেদিন উপেন্দ্রনাথ আনন্দিত হলেন। জিতেনও ছোট ভাইয়ের এই কৃতিত্বের সংবাদ পেয়ে টেলিগ্রাম করে' ভাইকে তাঁর কাছে আসবার জন্তে জানালেন। ছোট বোন ভবানী, বন্ধু প্রকাশ সকলেই আনন্দিত হ'ল। কিন্তু গভীর রাতে সংসারের সকল কাজ সেরে, নন্দ ভবানীর কোঁতুক ও পরিহাসের জোয়ার অতিক্রম করে' লজ্জা-জড়িত পদে নিরাভরণা যে মেয়েটি কোঁতুক ও পরিহাসের জোয়ার অতিক্রম করে' লজ্জা-জড়িত পদে নিরাভরণা যে মেয়েটি সত্যেনের সামনে এসে দাঁড়াল, তার দৃষ্টির উজ্জ্বলতায় যেন খুসী সবচেয়ে বেশী উজ্জ্বল হয়ে উঠেছিল। এম, এ পাশ করার কৃতিত্ব যে কতখানি তা হয়তো অশিক্ষিতা সেই মেয়েটি বুঝত না, কিন্তু আজ তার দেবতা শ্রেষ্ঠত্বের অধিকার পেয়েছে, বহুজনের সহকর্নায় তার দেবতার গৌরব বৃদ্ধি দেবীর অন্তর নীরব তৃপ্তিতে কাণায় কাণায় ভরপুর করে তুলেছে। অলঙ্কারহীনা হওয়ার জন্তে তার মনে এতটুকু ক্ষোভ নেই, দেবতা যে তার উপচার গ্রহণ করেছেন এইজন্ত সে আজ ধন্য। সে যখন তার নিজের নয়, সম্পূর্ণ রূপে তার দেবতার তখন অঙ্গের কয়েকটি অলঙ্কারও তো তার হ'তে পারে না।

গ্রাম্য একটি অশিক্ষিতা মেয়েকে স্ত্রীরূপে পাওয়ায় সত্যেন কোন দিন নিজেকে ভাগ্যবান বলে' মনে করেনি। আপ-টু-ডেট-শিক্ষিতা একটি মেয়েকে প্রিয়া ও ঘরগী রূপে না পাওয়ার জন্তে সত্যেনের মনে যে ক্ষোভ ছিল, আজ এই নিরাভরণা নারীর



মহিমাঘিত আত্মসমর্পণের কাছে বোধ করি ফণকালের জন্ত তাকে লজ্জিত হতে দেখা গেল।

উপেন্দ্রনাথের ইচ্ছা সত্যেন নিজের গ্রামের বিদ্যালয়ে শিক্ষকতার চাকরী গ্রহণ করে গ্রামেই বসবাস করে। দেবীরও আন্তরিক কামনা তাই। সত্যেন গায়ে থাকলে সে তার কাছে থাকতে পায়; মনে মনে তার বড় ইচ্ছা, দিনান্তে একটাবার যেন তার স্বামীর মুখখানি দেখে।

গায়ের স্কুলের শিক্ষকের মাইনে মাত্র চল্লিশ টাকা এবং তার উন্নতির শেষ ধাপ হ'ল পঁচাত্তর। চল্লিশ বা পঁচাত্তর টাকা উপার্জন করে সত্যেন সন্তুষ্ট থাকতে চায় না। দাদার মত ঐশ্বর্য ও খ্যাতি অর্জন করবার অধিকার তার আছে। গ্রামের এই দারিদ্র্য-পীড়িত জীবন নিয়ে বংশপরম্পরায় বেঁচে থেকে কোন লাভ নেই।

সত্যেন সহরে গেল দাদার সঙ্গে সাক্ষাৎ করতে। সেখানে জিতেন তার সম্মুখে উজ্জ্বল ভবিষ্যতের ছবি তুলে ধরলেন। জিতেন জানতেন না যে তাঁর ভাই বিবাহিত, জানতেন না যে তাঁর ভাই যে আজ এম, এ-তে ফাষ্ট হয়েছে তার জন্তে দাঁতুবধুর কাছে তাঁর ভাই কতখানি ঋণী।

জিতেনের ব্যারিষ্টার-বন্ধু মিঃ চ্যাটার্জী তাঁর কথা ইলার জন্তে একটি মনোমত পত্রের সন্ধানে ছিলেন। সত্যেনের মত উচ্চাভিলাষী একটি মেধাবী যুবকের প্রতি তাঁর দৃষ্টি পড়তে বিলম্ব ঘটল না। সত্যেন দরিদ্র বটে কিন্তু মিঃ চ্যাটার্জীর অর্থের অভাব ছিল না। রূপসী ইলার প্রতি হৃদয়বির আকর্ষণে, এবং বিলাত যাত্রার স্ফূর্তিতে

প্রলোভনে পড়ে সত্যেন নিজের বিবাহের কথা দাদা বৌদি, তার ভাবী শশুর ও ভাবী বধুর কাছে গোপন করে রাখল। তারপর বিবাহের ব্যবস্থা যখন প্রায় স্থির হয়ে গেল তখন বিবেক ক্ষুদ্র হয়ে উঠল। কিন্তু তখন ফিরতে গেলে জিতেন এবং তার চেয়ে তার আধুনিক সভ্যতাভিমাত্রী মেম-সাহেবের ভদ্রতা সম্বন্ধ প্রশ্ন ওঠে, তাছাড়া এতখানি অগ্রসর হয়ে অকস্মাৎ নিজেকে সংশোধন করতে যাওয়ার মধ্যে যে আত্মসংযমের প্রয়োজন, তা বোধ করি সত্যেনের ছিল না। সত্যেন তবু একবার শেষ চেষ্টা করে দেখল। দাদা আর বৌদিকে তার পূর্ব বিবাহের কথা জানাল। কিন্তু বৃথা এই অস্তিম মুহূর্তের মনের দ্বন্দ্ব।

সত্যেন সেই যে দাদার সঙ্গে সাক্ষাৎ করতে গেছে, এখনও ফিরল না। উপেন্দ্রনাথ শঙ্কিত হয়ে উঠলেন। পতিগতপ্রাণা দেবীর অন্তর কোন্ অজান, বিচ্ছেদ-বেদনার হাওয়ায় সকলের অনাক্ষেপে উঠল। অবশেষে গ্রামেরই একটি দরদী ছেলে, সত্যেনের অন্তরঙ্গ বন্ধু প্রকাশ সত্যেনের বিস্তারিত সংবাদ নিয়ে এল।

উপেন্দ্রনাথ করনাও করতে পারেন নি যে জিতেনের মত সত্যেনও তাঁকে এমনি ভাবে ত্যাগ করে চলে যাবে—পিতা হয়ে পুত্রের ওপর কোন দাবীই থাকবে না! উপেন্দ্রনাথ আরও বিফুক হয়ে উঠলেন এই ভেবে যে আজ শুধু তাঁর দাবীরই অমর্যাদা ঘটল না—একটি স্বামীগতপ্রাণা নারীর অন্তরকে এমনি করে অপমানে ও আঘাতে, বেদনায় ও লজ্জায় জর্জরিত করে তোলবার উপলক্ষ্য তিনিই। স্বামীপরিতাপ্তাকে এই হৃদয়হীনতা ও অবিচারের জন্ত কি সাধুনা তিনি দেবেন! উপেন্দ্রনাথ ব্যাকুল হয়ে





প্রকাশকে সঙ্গে নিয়ে সহরে এলেন সত্যেনকে ফিরিয়ে নিয়ে বাওয়ার জেছে। জিতেন আর সত্যেন চোপের মত আত্মগোপন করে রইল। পিতার রূপ ধরে বিধাতা বৃষ্টি এসেছিলেন এই ভ্রান্ত মানুষগুলিকে গভীর মনস্তাপের জীবনপথে ছুটে-চলা থেকে নিরত করতে, কিন্তু প্রত্যাখ্যাত পিতা ফিরে গেলেন নিরাশ হয়ে; বিধাতা এমনি করে মানুষের জীবনে বিমুখ হয়ে ফিরে যায়।

সত্যেন আর ইলার বিবাহ প্রতিরোধ করা গেল না। বিবাহের পর সত্যেন বিলাত রওনা হয়ে গেল। কিন্তু শুধু ইলাকে জানানো হল না যে তার কোন সপত্নী আছে।

সময়ের স্রোত বয়ে যায়। দুখে দারিদ্র্যে দিন চলে, বেদনা অন্তরের গহনলোকে পরিব্যাপ্ত হয়ে অশ্রু বিসর্জন করে। জীবনের দ্বন্দ্ব আর অভিশাপ দিনের পর দিন আরও উগ্রমুষ্টিতে দেখা দেয়।

জিতেনের সংসারেও একটি প্রচণ্ড অশান্তি বহুদিন ধুমায়িত হয়ে উঠছিল। জিতেনের মেয়ে বীথিকে নিয়ে এই অশান্তি। বাপ-মায়ের অনাচার, বিলাসিতা এবং আধুনিকতার বিকৃত্তির বিরুদ্ধে সে যেন মুষ্টিমতী প্রতিবাদ। বাপ-মায়ের সংসারের শিক্ষা ও দীক্ষা থেকে সে ছিল দূরে। তার দাদামশায় এবং দিদিমা তাকে মাল্লুষ করে তুলেছিলেন। তার দাদামশায় স্তবিনয় একদিন যেমন ছিলেন পুরোদস্তুর সাহেব এখন তেমনি নিষ্ঠুর সঙ্গে তিনি হিঁচুয়ানী পালন করতে শুরু করেছেন। গীতা আর গন্ধাজলের প্রতি এখন

তঁার শ্রদ্ধা প্রণাঢ়। নিজেদ মেয়ে মায়ার উপর আধুনিক শিক্ষার কৃত্রিমতা যে সর্কর্নাশা মোহ সৃষ্টি করেছিল, তারই প্রায়শ্চিত্ত স্বরূপ তিনি যেন নিতান্ত অল্পতপুচিত্তে তঁার নাতনীকে প্রাচীন ধর্ম সংস্কার আর আদর্শে অহুপ্রাণিতা করতে চেয়েছিলেন। বীথি তার কাঁকার এই হৃদয়হীনতা ও মিথ্যার আশ্রয়ে আত্মগোপন করে উচ্চাকাঙ্ক্ষা সার্থক করে তোলার সুযোগ গ্রহণ মনে মনে সমর্থন করতে পারেনি।

উপেক্ষের এক মাত্র কছা ভবানী এতদিন উপেক্ষের সংসারেই থাকত। ভবানীর স্বামী সুরেশ মাল্লুষ হিসাবে নিতান্ত মন্দ ছিল না। কিন্তু ভাগ্য তাকে স্বী প্রতিপালন করবার স্বচ্ছলতা থেকে বঞ্চিত রেখেছিল। সুরেশের মা ছিল ছর্কর্ষী প্রকৃতির মুখরা মেয়ে মাল্লুষ। স্বস্তুর বাড়ীতে নানা নির্যাতন, প্রহার ও কলহের গ্লানির মাঝখানে ভবানী সংসার পাততে এল। কিন্তু সংসারের জালা-সন্ত্রণা, দারিদ্র্য হুং ও অপমান তাকে বেশী দিন সহ্য করতে হয়নি। তিন দিন অনাহারের পর ভগবান বেদিন তার আহার জোগালেন সেদিন আহারের গ্রাস মুখে তোলবার মুহূর্তে অতিক্রান্ত ভাবে যুক্ত এসে সামনে দাঁড়াল।

সেই নিশ্চয় মুহূর্তে ছ' ক্রোশ পথ অতিক্রম করে বৃদ্ধ উপেক্ষনাথ এলেন কছার সমাচার নিতে। তখন সব শেষ হয়ে গেছে। বেদনায় স্তব উপেক্ষনাথের হৃদয় ভেঙে চুরমার হয়ে গেল তবু ছ ফোঁটা চোখের জল তঁার নয়নে দেখা দিল না।





এক একটি করে ছই পুত্র তাঁকে ত্যাগ করে গেছে, কত্না ভবানী চরম লাঞ্ছনার জীবনে অপমৃত্যু বরণ করে নিতে বাধ্য হ'ল, পুত্রবধু ছুঃথ ছুঃদশীর মাঝখানে নীরবে অশ্রু আর দীর্ঘশ্বাসের ব্যর্থ জীবন নিয়ে বৃথা প্রতীক্ষায় দিন দিন ম্লান শীর্ণ হয়ে চলেছে। উপেক্ষনাথ সকল ছুঃথ শোক হিমালয়ের মত অটল অবিকলিত হয়ে সহ্য করেছেন। কিন্তু আর কত সহ্য হয়! মৃত্যুকে আজ আর তিনি দূরে সরিয়ে রাখতে পারলেন না।

দেবী আজ একা। তাকে সান্তনা দেওয়ার আজ কেউ নেই। হৃদয়ের ভাঙার রিক্ত হয়ে গেছে। গ্রামের নির্জন কুঁড়ে ঘরে চরম দারিদ্র্যকে বরণ করে স্বামীর ভিটায় সন্ধ্যা প্রদীপ জ্বালবার জন্তে স্বামীপরিভক্তা পড়ে রইল। প্রতিদিন অন্ন অন্ন জর হয় কিন্তু কোথায় বা পথা, কে করবে চিকিৎসা। প্রতীক্ষার বিষয় মুহুর্তে মুহুর্তে রচিত দিন ও রাত্রি। হায় অভাগিনী, অশিক্ষিতা গ্রাম্য বধু, হায় বাঙলার মেয়ে তোমার প্রতীক্ষায় প্রতীক্ষা যে ধচ্ছ হয়ে গেল, তাই মৃত্যু শিয়রে দাঁড়িয়ে সজল নয়নে বুঝি তোমার অস্তিম বাসনার মীমাংসার অপেক্ষা করছে।

ইতিমধ্যে সত্যেন বিলাত থেকে ফিরে এসেছে। আর বীথি প্রকাশের কাছ হতে সংবাদ পেয়ে এসেছে দেবীর রোগশয্যার পাশে। বীথির টেলিগ্রাম পেয়ে সত্যেন, ইলা, জিতেন আর মায়ী এতদিন পরে গ্রামে এলেন।

রোগশয্যায় শুয়ে তাদের সাড়া পেয়ে দেবী ক্ষীণ-কণ্ঠে জিজ্ঞাসা করলে, কে!

বীথি জ্ঞানাল, কাকা এসেছে।

আগ্রহে চঞ্চল হয়ে দেবী ব্যগ্র কণ্ঠে বলল, এসেছেন!

বীথি বিশ্বস্তের সঙ্গে জিজ্ঞাসা করল, তোমার কি রাগ, অভিমান কিছুই নেই, কাকীমা? মৃত্যুপথ-যাত্রিগীর গভীর অন্তর হ'তে উচ্চারিত হ'ল, না—তিনি যে আমার স্বামী...

সঙ্গীতাংশ ● ●

বিথীর গান

কার অধরের হাসির রেখা

দিগন্তের ঐ ধারে

বুঝি এসেছ চলে চুপে চরণ ফেলে

ইসারায় কহে যেন সে কারে

সুন্দর হে সুন্দর হে

তব আবাহন

আকুল হইয়া আছে কতনা নয়ন

এখন কি লুকায়ে রয়ে

সকল চাওয়ার পারে

সকল মায়ার পারে

অন্তর ধন বুঝি না কেমন

তোমার কুহক পরশখানি

যাত্রা পথ পারে এনেছে টানি


কত আর ঘুরাবে মিছে

নিয়ে চল তোমার

সোণার রথের পিছে

হোক না সে যতই দূরে

বাঁধিও ম্নেহেরি ভোরে।





(২)

ইলার গান

অজানা পথিক অচেনা পথিক

কে এল আমার দ্বারে

(সারা) নিশি ভরে শিয়রে গুঞ্জরিল জাগান সুরে,

টান্দিনী ঘুমাতে চায়

শুকতারা বসে হায়

ধরেছি তোমার পায়

রাখিও মোরে ॥

না জানি স্বপন ঘোরে কিসের, তরে

চমকি উঠিছু আজ এমন করে

রহি রহি দোলে হিয়া

কে ডাকিছে পিয়া পিয়া

কি যেন ব্যাথায় বারে বারে

নিশি ভরে ॥

(৩)

সুরেশের গান

বাসনা ছিল যে মনে

মনের কথা জান্তো না কেউ

রেখেছিলাম সঙ্কোপনে।

নদীর ধারে একখানি ঘর

একটি কামিনী—

জোছনা রাতে, বঁধুর সাথে


মধু যামিনী—

ঘুরে বেড়াই আপন হারা

যৌবনেরি ফুলবনে

কোনো আশাই মিটলো না সুই

রইল জমা মনের কোনে।



(৪)

ইলার গান

যুথিকা চামিলি বেলা

যুথিকা চামেলি বেলা

গোলাপ অপরাজিতা মল্লিকা সেফালিকা

কেতকি মেলা।

নেহারিকা স্বপন খেলা।

গোলাপ খুলিল রাঙামুখ

নিশারে মিনতি করে চুপ চুপ

হেনেছে পবন বঁধু ছুখ—

ধরিব ছলা।

অভিমানিণী গেল চমকি—কি দেখি

আড়ালে সাধিয়া প্রিয় কেতকী

চলিল আবেসে চামেলি সকাশে

নিঠুর লীলা

চামেলি বেলা ॥

(৫)

বিথীর গান

সব নাচত সবছ' গায়ত সব আনন্দে বাঁধিয়া
 হৃদি কম্পিত ভূতলে লুঠত বেকত গৌরাজ কাঁতিয়া
 হৃদি কম্পিত ভূতলে লুঠত পীত বসন ধূলি-ধূসরিত
 ভূতলে লুটত গৌরা চকিতে আপন হারা

মলিন ভেল মলিন ভেল

চন্দ্র আসন মলিন ভেল

অধরেতে হান মলিন ভেল

হেম অঙ্গ কজলে ভরিল

বেকত গৌরাজ কাঁতিয়া (নাচত)

বঁধুর মঙ্গল মৃদঙ্গ বাজত

এলত কত কত ভাতিয়া

গদ্ গদ্ মধুর হাসত।

(৬)

ইলার গান

আমার আঁখির বারি বহিয়া চলে তোমার পানে
 বসে নিরীলা সাজাই গলা ব্যাথার গানে।

আশা পথ ধরি কত যাব আর

পড়ে রহে খোলা কুটির ছুয়ার

পাব কি তোমারে নিরঞ্জে মোর

মরমের গোপন ধ্যানে ॥

সেই স্নুদূরের নদী বাঁকে

উতল বাঁশি যদি ডাকে

আসিবে কি ছুটে দক্ষিণা

বারতা কহিতে কাণে।

কত দিন কত রাতি এল পাগিয়া কোকিল

কতই ফুকরী গেল কে জানে ॥

শ্রীফণীন্দ্র পাল কর্তৃক
এই প্রোগ্রাম-পুস্তিকাখানি
সম্পাদিত

•

দি ইন্টার্ন টাইপ ফাউণ্ডারী
এণ্ড ওরিয়েন্টাল প্রিন্টিং
ওয়ার্কস্ লিমিটেড ১০নং
বন্দাবন বন্দাক স্ট্রীট হইতে
শ্রীবীরেন্দ্রনাথ দে কর্তৃক
মুদ্রিত ও প্রকাশিত . . .